



**ՀԱՅԱՍՏԱՆԻ ՀԱՐԱՊԵՏՈՒԹՅԱՆ
ԲՆԱՊԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ
ԱՐՄԱՎԻՐԻ ՏԱՐԱԾՔԱՅԻՆ ԲԱԺԻՆ
Ո Ր Ո Շ ՈՒ Մ № ԱՄ/18-24
ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ**

07 փետրվարի 2024թ.

ք. Էջմիածին

ՀՀ բնապահպանության և ընդերքի տեսչական մարմնի (այսուհետ՝ Տեսչական մարմին) Արմավիրի տարածքային բաժնի պետ Արսեն Խաչատրյանս, քննության առնելով «ԱՍԿԵ ԳՐՈՒՊ» ԲԲ ընկերության (այսուհետ նաև՝ Ընկերություն, ՀՎՀՀ՝ 02800538) տնօրեն Հրաչյա Արամի Մուրադյանի (անձնագիր՝ 005770011, տրված՝ 13.03.2017թ., 007-ի կողմից, հաշվառման հասցե՝ ՀՀ, ք. Երևան, Քանաքեռ – Զեյթուն, Լ. Ներսիսյան փողոց, 1-ին շենք, 95 բնակարան) նկատմամբ հարուցված վարչական իրավախախտման վերաբերյալ գործի նյութերը՝

Պ Ա Ր Զ Ե Ց Ի

ՀՀ բնապահպանության և ընդերքի տեսչական մարմնի Արմավիրի տարածքային բաժնի աշխատակիցների կողմից վերահսկողական կանխարգելիչ միջոցառումների շրջանակներում 2023 թվականի դեկտեմբերի 16-ին՝ ժամը 10:40-ի սահմաններում ՀՀ Արմավիրի մարզի Արմավիր-Մեծամոր ավտոճանապարհի աջակողմյան հատվածում «ԱՍԿԵ ԳՐՈՒՊ» ԲԲ ընկերությանը պատկանող տարածքում արձանագրվել է պլաստմասսե իրերի, օգտագործված մալուխների և ռետինե մնացորդների այրման դեպք: Տեսչական մարմնի Արմավիրի տարածքային բաժնի աշխատակիցների կողմից այրման փաստը լուսանկարահանվել է Ընկերության աշխատակից՝ Սարգիս Միքայելյանի ներկայությամբ:



ՀՀ ք. Էջմիածին, Գրիգոր Լուսավորիչ փող. 27 ա
✉ arsen.khachatryan@ecoinspect.gov.am | info@ecoinspect.gov.am
🌐 www.ecoinspect.am
☎ +374 60 408 802

Ընկերության տնօրեն Հրաչյա Արամի Մուրադյանը պատշաճ ծանուցվել է այն մասին, որ 2024 թվականի հունվարի 16-ին մասնակից լինի վարչական իրավախախտման արձանագրությունը կազմելու գործընթացին, սակայն Հրաչյա Արամի Մուրադյանը չի ներկայացել և չի մասնակցել վարչական իրավախախտման արձանագրության կազմմանը, ինչի արդյունքում 2024 թվականի հունվարի 16-ին կազմվել է վարչական իրավախախտման վերաբերյալ թիվ 02/03 արձանագրությունը:

Արձանագրված փաստի վերաբերյալ խախտվել է «Մթնոլորտային օդի պահպանության մասին» ՀՀ օրենքի 11-րդ հոդվածի 4-րդ մասի պահանջը, որի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 85.1-րդ հոդվածի 1-ին մասով, այն է՝ «Արտադրության կամ սպառման կամ տերևաթափից առաջացած թափոնները բնական միջավայրում կամ բնակավայրերում կամ դրանց շրջակայքում կամ դրանց այրման համար չնախատեսված այլ վայրերում կամ կաթսայատներում կամ վառարաններում այրելը՝ առաջացնում է նախազգուշացում կամ տուգանքի նշանակում ֆիզիկական (այդ թվում՝ ձեռնարկատիրական գործունեությամբ զբաղվող) անձանց նկատմամբ՝ սահմանված նվազագույն աշխատավարձի հիսնապատիկի չափով, իսկ իրավաբանական անձանց նկատմամբ՝ երկուհարյուրապատիկի չափով»:

Վարչական իրավախախտման վերաբերյալ գործի շրջանակներում ձեռք բերված ապացույցներով հիմնավորվել է, որ վերը նշված իրավախախտման համար պատասխանատու պաշտոնատար անձ է հանդիսանում Ընկերության տնօրեն Հրաչյա Արամի Մուրադյանը:

Ընկերության տնօրեն Հրաչյա Արամի Մուրադյանը պատշաճ ծանուցվել է վարչական իրավախախտման վերաբերյալ գործի քննության տեղի և ժամանակի մասին, սակայն չի ներկայացել գործի քննությանը, առարկություններ և գործի քննությունը հետաձգելու վերաբերյալ միջնորդություն չի ներկայացրել:

Սույն վարչական իրավախախտման վերաբերյալ գործի վարույթով վարչական պատասխանատվությունը մեղմացնող կամ ծանրացնող հանգամանքներ առկա չեն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 85.1-րդ հոդվածի 1-ին մասի, 242-րդ հոդվածի, 281-րդ հոդվածի և 282-րդ հոդվածի 1-ին մասի 1-ին կետի պահանջներով,

Ո Ր Ո Շ Ե Ց Ի

1. «ԱՍԿԵ ԳՐՈՒՊ» ԲԲ ընկերության տնօրեն Հրաչյա Արամի Մուրադյանի նկատմամբ կիրառել վարչական պատասխանատվության միջոց՝ տուգանք սահմանված նվազագույն աշխատավարձի երկուհարյուրապատիկի չափով՝ 200 000 (երկու հարյուր հազար) Հայաստանի Հանրապետության դրամ /վճարումը 900005024063 հաշվեհամարին/:

2. Սույն որոշումն օրինական ուժի մեջ է մտնում այն Ընկերության տնօրեն Հրաչյա Արամի Մուրադյանին հանձնելուն (հանձնված համարվելուն) հաջորդող օրվանից:

3. Սույն որոշումը կարող է բողոքարկվել վերադասության կարգով Տեսչական մարմնի ղեկավարին՝ որոշումը հանձնելու (հանձնված համարվելու) հաջորդող օրվանից՝ 30-օրյա ժամկետում կամ դատական կարգով՝ ՀՀ վարչական դատարան որոշումն ուժի մեջ մտնելու օրվանից երկամսյա ժամկետում:

4. Որոշման օրինական ուժի մեջ մտնելու պահից օրենսդրությամբ սահմանված ժամկետում չբողոքարկվելու դեպքում այն դառնում է անբողոքարկելի և ենթակա է հարկադիր կատարման:

ԱՐՄԱՎԻՐԻ ՏԱՐԱԾՔԱՅԻՆ

ԲԱԺՆԻ ՊԵՏ՝

Կ.Տ.

(ստորագրություն)



ԱՐՄԵՆ ԽԱՉԱՏՐՅԱՆ